




Број: 05-05-1-891-2/12
Сарајево, 28. март 2012. године



**ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**

**- ПРЕДСТАВНИЧКИ ДОМ
- ДОМ НАРОДА**

Предмет. Сагласност за ратификацију споразума, тражи се

У складу са чланом 16. Закона о поступку закључивања и извршавања међународних уговора ("Сл. гласник БиХ", бр 29/00), достављамо вам ради давања сагласности за ратификацију:

Споразум о Центру за безбједносну сарадњу - RACVIAC. Споразум је потписан 14. априла 2010. године у Будви.

Будући да је Министарство иностраних послова БиХ надлежно за провођење поступка за закључивање овог споразума, молимо вас да на састанке ваших комисија, односно сједнице Дома, поред представника Предсједништва БиХ, као предлагача, позовете и представника Министарства који посланицима, односно делегатима може дати све потребне информације о споразуму.

С поштовањем,

ГЕНЕРАЛНИ СЕКРЕТАР

Ранко Нинковић





Broj: 08/1-23-2060-7/11
Sarajevo, 16. mart 2012.g.

BOSNA i HERCEGOVINA
PREDSJEDNIŠTVO
Sarajevo

PREDSJEDNIŠTVO BOSNE I HERCEGOVINE SARAJEVO			
PREDSJEDNIK	PREDSJEDNIK OPORUKA	PREDSJEDNIK OPORUKA	PREDSJEDNIK OPORUKA
05	05-1	891	

Predmet: Prijedlog odluke o ratifikaciji Sporazuma o Centru za sigurnosnu saradnju – RACVIAC, dostavlja se

Dostavljamo Prijedlog odluke o ratifikaciji Sporazuma o Centru za sigurnosnu saradnju – RACVIAC, koji je potpisan 14. aprila 2010.g, u Budvi, na engleskom jeziku.

U vezi sa predmetnim sporazumom Predsjedništvo BiH je na 16. redovnoj sjednici održanoj 28. decembra 2011.godine donijelo Odluku o prihvatanju Sporazuma, te ovlastilo Ministra vanjskih poslova BiH da potpiše isti (kopija Odluke je u prilogu ovog akta).

Vijeće ministara Bosne i Hercegovine je, na 3. sjednici održanoj 7. 02. 2012.g, utvrdilo Prijedlog odluke o ratifikaciji Sporazuma radi dostavljanja Predsjedništvu BiH i provedbe procedure ratifikacije (kopija obavijesti o Zaključku Vijeća ministara BiH, akt broj: 05-07-1-596-25/12 od 9. 03. 2012.g. je također u prilogu ovog akta).

Dostavljamo i kopiju mišljenja Ureda za zakonodavstvo Vijeća ministara Bosne i Hercegovine, akt broj: 01-02-326-1/11 od 27. januara 2012.godine, koji na Nacrt odluke o ratifikaciji nije imao primjedbe.

Molimo da Predsjedništvo Bosne i Hercegovine, u skladu sa odredbama Zakona o postupku zaključivanja i izvršavanja međunarodnih ugovora ("Službeni glasnik BiH", broj 29/00) provede postupak ratifikacije Sporazuma.

S poštovanjem,

MINISTAR
dr. Zlatko Lagumdžija

Prilog: kao u tekstu

Sporazum o Centru za sigurnosnu saradnju - RACVIAC

Preambula

Države koje učestvuju u Procesu saradnju u Jugoistočnoj Evropi (SEECP), Strane ovoga Sporazuma (u daljnjem tekstu "Strane"),

Podsjećajući na "Sporazum između Vlade Republike Hrvatske i Vlade Federalne Republike Njemačke o osnivanju Regionalnog centra za pomoć u verifikaciji i implementaciji kontrole naoružanja (RACVIAC)", sklopljen u Zagrebu, 8. marta 2001. godine,

Podsjećajući da je u skladu sa članom 1., paragraf (4) toga Sporazuma, Republika Italija pristupila tome Sporazumu 21. avgusta 2002. godine, a Republika Turska 15. septembra 2004. godine.

Podsjećajući na odluke i razmatranja Multinacionalne savjetodavne grupe (u daljnjem tekstu „MAG“) o budućem pravnom statusu i novoj strategiji Regionalnog centra za pomoć u verifikaciji i implementaciji kontrole naoružanja (RACVIAC),

Imajući na umu nastojanja uložena u uspostavu bliskije regionalne saradnje, te odlučne da pojačaju vlasništvo nad regijom,

Spremne za blisku saradnju sa Vijećem za regionalnu saradnju (RCC) i svim drugim regionalnim inicijativama i dogovorima,

Budući da je odgovornost i dužnost svih zemalja u Jugoistočnoj Evropi da njeguju dijalog i saradnju u pitanjima sigurnosti u Jugoistočnoj Evropi kroz međusobno partnerstvo kao i partnerstvo sa njihovim međunarodnih partnera,

Uvjerene u nužnost reorganizacije Regionalnog centra za pomoć u verifikaciji i implementaciji kontrole naoružanja (RACVIAC) u svrhu doprinosa otvaranju aktivnosti RACVIAC-a za sve Strane koje su spremne da poštuju odredbe ovoga Sporazuma,

Svjesne da im je u zajedničkom interesu učestvovati u aktivnostima moderniziranog i reorganiziranog Regionalnog centra za pomoć u verifikaciji i implementaciji kontrole naoružanja (RACVIAC), te iskoristiti dosadašnji napredak i postignuća RACVIAC-a

Sporazumjele su se kako slijedi:

Dio I
Osnivanje, misija i aktivnosti

Član 1.
Osnivanje

- 1) Strane ovime osnivaju RACVIAC – Centar za sigurnosnu saradnju (u daljnjem tekstu “RACVIAC),
- 2) RACVIAC je pravni nasljednik Regionalnog centra za pomoć u verifikaciji i implementaciji kontrole naoružanja (RACVIAC) osnovanog “Sporazumom između Vlade Republike Hrvatske i Vlade Federalne Republike Njemačke o osnivanju Regionalnog centra za pomoć u verifikaciji i implementaciji kontrole naoružanja (RACVIAC)”, sklopljenom u Zagrebu, 8. marta 2001. godine, kojem je pristupila Republika Italija 21. avgusta 2002. godine i Republika Turska 15. septembra 2004 godine.
- 3) RACVIAC – Centar za sigurnosnu saradnju je međunarodna, nezavisna, nekomercijalna, regionalna, akademska organizacija.

Član 2.
Misija

Misija RACVIAC-a je da njeguje dijalog i saradnju u sigurnosnim pitanjima u Jugoistočnoj Evropi kroz partnerstvo sa Stranama i njihovim međunarodnim partnerima.

Član 3.
Obim aktivnosti

RACVIAC će obavljati svoju misiju prvenstveno promicanjem:

- a) Sigurnosnog dijaloga i reforme sigurnosnog sektora, kontrole naoružanja kao i mjera za izgradnju sigurnosti i povjerenja;
- b) Sinergije sa drugim organizacijama i institucijama kao što su NATO, EU, OSCE, kao i sa bilateralnim partnerima po svim pitanjima od međusobnog interesa i brige,
- c) Bliske saradnje sa RCC-om i svim drugim regionalnim inicijativama i dogovorima,
- d) Dijaloga sa civilnim društvom, akademskom zajednicom i tvorcima javnog mišljenja.

Dio II
Članice RACVIAC-a

Član 4.
Članice

- 1) Strane ovog Sporazuma su članice RACVIAC-a.

- 2) Članice će rasporediti osoblje u Sekretarijat i davati finansijski doprinos za budžet RACVIAC-a, u skladu sa Finansijskim pravilnikom.
- 3) Mjesto predsjedavajućeg MAG-a i mjesto direktora će biti isključivo otvoreni za postavljenja od strane članica. Druge više pozicije koje će biti otvorene isključivo za postavljenja od strane članica će biti definisane zasebnom odlukom MAG-a.

Član 5. Pridružene članice

- 1) Status pridružene članice će biti na pisani zahtjev otvoren za svaku zemlju koja izrazi spremnost za saradnju i doprinos RACVIAC-u.
- 2) MAG će odlučivati o zahtjevu.
- 3) Status pridružene članice uključuje raspoređivanje osoblja i/ili finansijski doprinos i/ili doprinos u vrstama operacije RACVIAC-a.
- 4) Status pridružene članice može biti suspendovan ili prekinut odlukom MAG-a, u skladu sa odredbama ovog Sporazuma.
- 5) Pridružene članice mogu po potrebi prisustvovati sastancima MAG-a i učestvovati u njegovom radu.

Član 6. Posmatrači

- 1) Ostale zainteresirane države, kao i međunarodne organizacije, nevladine organizacije i institucije mogu učestvovati u RACVIAC-u kao posmatrači, po odobrenju MAG-a.
- 2) MAG odlučuje o zahtjevima za dobivanje statusa posmatrača u RACVIAC-u.
- 3) Status posmatrača može biti suspendovan ili prekinut odlukom MAG-a, u skladu sa odredbama ovog Sporazuma.
- 4) Posmatrači u RACVIAC-u mogu prisustvovati sastancima MAG-a i učestvovati u njegovom radu, ali nemaju pravo glasovanja.

Dio III Organizacija i struktura RACVIAC-a

Član 7. Multinacionalna savjetodavna grupa (MAG)

- 1) MAG je jedino tijelo RACVIAC-a koje donosi odluke.
- 2) MAG djeluje kao upravni odbor za RACVIAC. MAG će dati smjernice kako bi osigurao rad i razvoj RACVIAC-a.

Član 8. Sastav MAG-a

- 1) MAG se sastoji od po jednog predstavnika svake članice.

- 2) MAG imenuje svoga predsjedavajućeg na period od godinu dana, koji može biti produžen na još godinu dana. Uz izuzetak eventualnog perioda preklapanja, predsjedavajući MAG-a i direktor RACVIAC-a ne smiju biti predstavnici iste države.
- 3) Direktor RACVIAC-a će biti stalni savjetnik MAG-a, učestvovat će na sastancima MAG-a i ima pravo podnošenja prijedloga MAG-u.

Član 9. Procedure

- 1) MAG se redovito sastaje dva puta godišnje.
- 2) Daljnji sastanci mogu se održavati ukoliko predsjedavajući smatra da je to nužno ili na zahtjev najmanje 1/3 članica MAG-a.
- 3) MAG može donositi odluke kada je prisutno više od pola njegovih članica. Odluke MAG-a donose se konsenzusom prisutnih članica. Pod konsenzusom se podrazumijeva izostanak prigovora.
- 4) Ako je neophodno da MAG donese odluku između zasjedanja, koja se ne može odgoditi do sljedećeg sastanka MAG-a, može se primijeniti prešutni postupak. Procedura iz tačke 3) ovoga člana takođe se primjenjuje za donošenje odluke u prešutnom postupku.
- 5) Na sastancima MAG-a nijednu članicu ne smije predstavljati druga članica.
- 6) Osoblje RACVIAC-a može prisustvovati MAG-ovim sastancima na zahtjev MAG-a ili direktora.
- 7) Predstavnici država, međunarodnih ili regionalnih organizacija, tijela ili pojedinaca mogu biti pozvani od strane predsjedavajućeg MAG-a, nakon konsultacija sa članicama, da se kao posebni gosti obrate na sastanku MAG-a ili da obavijeste MAG o konkretnim područjima od interesa.

Član 10. Zadaci MAG-a

MAG odlučuje:

- 1) o općim smjernicama za rad RACVIAC-a;
- 2) o ocjenjivanju mjera koje se provode, prijedlozima koji se podnose i izvještajima koja podnosi direktor, te pregledima ostvarenog napretka RACVIAC-a;
- 3) o imenovanju predsjedavajućeg MAG-a i direktora RACVIAC-a;
- 4) o usvajanju Poslovnika o radu MAG-a, kao i o izmjeni i dopuni Poslovnika o radu i svih drugih propisa neophodnih za njegov rad i rad RACVIAC-a;
- 5) o izvršavanju budžeta za tekuću godinu;
- 6) o budžetu za sljedeću fiskalnu godinu;
- 7) o godišnjem revizijskom izvještaju;
- 8) o godišnjem planu, uključujući predložene aktivnosti, njihovo financiranje i neophodna sredstva;
- 9) o kadrovskoj politici za osoblje RACVIAC-a;
- 10) o promjenama ukupne strukture Stola za organizaciju i kadrove;

- 11) o pregovorima i potpisivanju Memoranduma o saglasnosti ili političkih dokumenata sa trećim stranama, te o ovlaštenju predsjedavajućeg MAG-a ili direktora RACVIAC-a za potpisivanje tih dokumenata;
- 12) o datumu i mjestu sastanka MAG-a i odobrenju zapisnika tih sastanaka;
- 13) o svim drugim pitanjima koja smatra bitnim.

Član 11. Sekretarijat

- 1) RACVIAC ima Sekretarijat, koji je njegovo izvršno tijelo s direktorom na čelu. Sekretarijat pomaže MAG-u i njegovim pomoćnim tijelima u obavljanju njihovih zadataka. Ono izvršava dužnosti navedene u ovome Sporazumu kao i zadatke koje mu prenese MAG.
- 2) Sekretarijat *između ostalog*:
 - a) priprema i podnosi MAG-u nacrt godišnjeg plana i budžeta organizacije;
 - b) priprema i podnosi MAG-u nacrt izvještaja organizacije o provedbi ovog Sporazuma i druge izvještaje koje MAG zatraži;
 - c) pruža administrativnu i tehničku pomoć MAG-u i njegovim pomoćnim tijelima;
 - d) upućuje i prima saopštenja u ime organizacije za i od članica, pridruženih članica i posmatrača o pitanjima koja se tiču provedbe ovog Sporazuma.
- 3) Sekretarijat obavještava MAG o svim problemima u vezi sa obavljanjem njegovih zadataka koji se tiču provedbe ovog Sporazuma koji su mu saopšteni, a koje nije u mogućnosti riješiti ili razjasniti u dogovoru sa članicama, pridruženim članicama i posmatračima.
- 4) Sekretarijat je odgovoran za osiguranje izvršavanja takvih zadataka neophodnih za pravilno djelovanje RACVIAC-a.

Član 12. Direktor

- 1) Direktora imenuje MAG na prijedlog članica, na period od tri godine, uz mogućnost samo jednog reizbora.
- 2) Direktor je odgovoran MAG-u za imenovanje osoblja, te za organizaciju i djelovanje Sekretarijata. Jedino državljani članica mogu obavljati dužnost direktora.
- 3) Direktor je šef Sekretarijata i djeluje kao stalni savjetnik MAG-a u skladu sa članom 8. paragraf 3.
- 4) Direktor je odgovoran za osiguranje redovnog i učinkovitog djelovanja RACVIAC-a. Direktor za svoj rad odgovara MAG-u.

Član 13. Osoblje i zapošljavanje

- 1) Organizaciju RACVIAC-a struktuirao i odobrava MAG kako bi osigurao najučinkovitiji, efikasan i fleksibilan odgovor na potrebe država članica MAG-a.

- Organizacija mora osigurati strukturu, koja je regionalno utemeljena, te administrativno i logistički samodostatno.
- 2) Osoblje RACVIAC-a obuhvaća direktora, zamjenika direktora, raspoređeno osoblje, te ostalo administrativno-tehničko osoblje.
 - 3) RACVIAC se prvenstveno popunjava raspoređivanjem osoblja koje je otvoreno za koordinaciju i saradnju, stručno za pronalaženje višestраних rješenja, sa dovoljnim obrazovanjem, iskustvom i prošlošću u skladu sa opisom radnog mjesta. Kada su mjesta rezervisana isključivo za zemlju domaćina, Republika Hrvatska kao zemlja domaćin osigurava održivi raspored osoblja.
 - 4) Posmatrači, međunarodne organizacije, nevladine organizacije i institucije mogu raspoređivati osoblje i/ili dodijeliti osoblje za posebne projekte na privremenoj osnovi, u očekivanju odluke MAG-a.
 - 5) Pravilnici uključuju pravila, principe i procedure za odabir osoblja, njihov angažman, klasifikaciju mjesta i učinkovit rad Sekretarijata RACVIAC-a u ostvarivanju ciljeva ovog Sporazuma.

Član 14. **Uslovi zapošljavanja**

- 1) Odlukom MAG-a se određuje Pravilnike o osoblju RACVIAC-a. oni će, minimalno, odražavati sljedeće principe:
 - a) Ako ovim Sporazumom nije drugačije predviđeno, državljani svih članica i pridruženih članica imaju ravnopravan pristup zaposlenju u RACVIAC-u. Popunjavanje osoblja se vodi prema potrebi pravilnog obavljanja odgovornosti Sekretarijata.
 - b) Odabir i unapređenje kao i svi drugi aspekti upravljanja personalom će biti u skladu sa principima zasluge, te uz poštivanje zahtjeva pravednosti, transparentnosti, raznolikosti i zastupljenosti svih članica.
- 2) Kadrovske sporove će rješavati arbitražno vijeće koje se uspostavlja posebnom odlukom MAG-a.

Član 15. **Nepriistrasnost**

- 1) U izvršavanju svojih dužnosti, direktor i osoblje Sekretarijata neće tražiti ni primati upute od bilo koje pojedinačne članice MAG-a, kao ni od bilo koje države ili tijela izvan MAG-a.
- 2) Svaka članica, pridružena članica ili posmatrač mora poštovati isključivi međunarodni karakter dužnosti direktora i drugog osoblja i ne smije pokušavati uticati na njih u izvršavanju njihovih dužnosti.

Dio IV **Upravljanje finansijama**

Član 16.

Finansiranje

- 1) RACVIAC se finansira iz redovnih godišnjih doprinosa članica, kao i iz drugih dobrovoljnih doprinosa, donacija i drugih izvora.
- 2) Mjerila za raspoređivanje doprinosa i rok za uplatu doprinosa članica će biti definisan Finansijskim pravilnikom.

Član 17. Godišnji budžet

- 1) Budžet RACVIAC-a se uspostavlja na godišnjoj osnovi i njegov sadržaj se utvrđuje Finansijskim pravilnikom.
- 2) Godišnji budžet utvrđuje ukupne godišnje prihode i rashode. Godišnji budžet uvijek mora biti uravnotežen, tako da ukupni godišnji prihodi uvijek pokrivaju ukupne godišnje rashode. RACVIAC-u nije dopušteno da uđe u dugove, ukoliko tako ne odluči MAG.
- 3) Konačna nadležnost nad godišnjim budžetom pripada MAG-u na osnovu prijedloga kojeg pravovremeno unaprijed podnosi direktor RACVIAC-a, a najkasnije 90 dana prije početka fiskalne godine RACVIAC-a.

Član 18. Finansijski izvještaji

- 1) Direktor MAG-a podnosi godišnje izvještaje o izvršavanju godišnjeg budžeta. Izvještaj će biti predmet odobrenja od strane MAG-a.
- 2) Svake godine nezavisni revizori obavljaju reviziju korištenja godišnjeg budžeta. Revizijski izvještaj će biti predmet odobrenja od strane MAG-a. Revizijski izvještaj se nakon toga objavljuje.
- 3) MAG odlučuje o nezavisnim vanjskim revizijskim revizorima, kao i o izvanrednoj reviziji koju može predložiti bilo koja članica MAG-a.

Dio V Pravna sposobnost, privilegije i imuniteti

Član 19. Sjedište RACVIAC-a

- 1) RACVIAC ima sjedište u Republici Hrvatskoj.
- 2) Sporazum o državi domaćinu sklapa se između RACVIAC-a i Vlade Republike Hrvatske.
- 3) Službeni radni jezik je engleski.

Član 20. Pravna sposobnost

- 1) RACVIAC uživa takvu pravnu sposobnost koja mu omogućava sklapanje međunarodnih ugovora sa državama i međunarodnim organizacijama koji su neophodni za obavljanje njegovih dužnosti i ostvarivanje njegovih ciljeva.
- 2) On ima sposobnost sklapati ugovore i učestvovati u pravnim procedurama, uključujući sticanje i raspolaganje nepokretnom i pokretnom imovinom.

Član 21.

Privilegije i imuniteti RACVIAC-a

RACVIAC, njegove prostorije i imovina uživaju u Republici Hrvatskoj, kao državi domaćinu, status jednak onome koji se odobrava diplomatskim misijama prema Bečkoj konvenciji o diplomatskim odnosima od 18. aprila 1961. godine.

Član 22.

Privilegije i imuniteti osoblja

- 1) Direktor, zamjenik direktora, kao i njihovi supružnici i članovi njihovih porodica koji s njima žive u istome domaćinstvu, uživaju na području Republike Hrvatske kao države domaćina, status jednak onome koji se odobrava diplomatskim predstavnicima i njihovim supružnicima, te članovima njihovih porodica koji s njima žive u istom domaćinstvu, prema Bečkoj konvenciji o diplomatskim odnosima 18. aprila 1961. godine.
- 2) Svi drugi pripadnici osoblja RACVIAC-a i članovi njihovih porodica koji s njima žive u istom domaćinstvu, uživaju na području Republike Hrvatske kao države domaćina, status jednak onome koji se odobrava administrativnom i tehničkom osoblju i njihovim supružnicima, te članovima njihovih porodica koji s njima žive u istom domaćinstvu, prema Bečkoj konvenciji o diplomatskim odnosima od 18. aprila 1961. godine. Posebice, oni uživaju pravo na uvoz robe za potrebe svoga domaćinstva kao i na uvoz ili kupovinu motornog vozila za ličnu upotrebu, oslobođeno od plaćanja carine i poreza na dodatnu vrijednost (PDV), u roku od godine dana od datuma preuzimanja dužnosti u Republici Hrvatskoj u skladu sa odredbama nacionalnog zakonodavstva.
- 3) Ako je pripadnik osoblja RACVIAC-a državljanin ili je stalno nastanjen u Republici Hrvatskoj kao državi domaćinu, isti na području Republike Hrvatske uživa imunitet za postupke koje učini u svom službenom svojstvu. Ovo ne vrijedi za osoblje koje se angažira u skladu sa paragrafom 4. ovog člana.
- 4) RACVIAC može lokalno angažirati potrebno pomoćno osoblje u skladu sa nacionalnim zakonodavstvom Republike Hrvatske.

Dio VI

Završne odredbe

Član 23.

Izmjene i dopune

- 1) Ovaj Sporazum se može mijenjati i dopunjavati na prijedlog bilo koje Strane.
- 2) Svaki takav prijedlog će se saopštiti svim drugim Stranama od strane depozitara radi njegova razmatranja i odobrenja.
- 3) Strane su dužne obavijestiti depozitara u što kraćem roku o njihovom prihvaćanju predloženih izmjena i dopuna ovog Sporazuma.
- 4) Izmjene i dopune usvojene konsenzusom u skladu sa paragrafom 3 stupaju na snagu u skladu sa članom 27.

Član 24. Trajanje

Ovaj Sporazum sklapa se na neodređeno vrijeme.

Član 25. Rezerve

Nikakvu rezervu nije moguće staviti na ovaj Sporazum.

Član 26. Povlačenje

- 1) Strana ovog Sporazuma može se povući iz njega dostavom pisane obavijesti depozitaru. Takva obavijest može stupiti na snagu najranije po završetku RACVIAC-ove finansijske godine u kojoj depozitar zaprimi obavijest.
- 2) Strana ovog Sporazuma se temeljem povlačenja iz istog ne oslobađa finansijskih obaveza koje su nastale dok je još bila Strana ovog Sporazuma.
- 3) Strana koja se povukla iz ovog Sporazuma može naknadno podnijeti zahtjev za pristupanje Sporazuma u skladu sa članom 28. ili postati posmatrač u RACVIAC-u u skladu sa članom 6.

Član 27. Stupanje na snagu

- 1) Ovaj Sporazum podliježe ratifikaciji, prihvatanju ili odobrenju od strane država potpisnica u skladu sa njihovim odgovarajućim pravnim uslovima.
- 2) Ovaj Sporazum će biti otvoren za potpisivanje na datum 14. april 2010. godine, te će ostati otvoren za potpisivanje dva mjeseca od tog datuma.
- 3) Ovaj Sporazum će stupiti na snagu prvog dana mjeseca koji slijedi nakon datuma na koji je peta od država koje su potpisale ovaj Sporazum položila kod depozitara svoju ispravu o ratifikaciji, prihvatanju ili odobrenju.
- 4) Za državu potpisnicu koja ratificira, prihvata ili odobrava ovaj Sporazum nakon datuma njegova stupanja na snagu, u skladu sa paragrafom 3. ovog člana, ovaj Sporazum stupa na snagu prvog dana mjeseca koji slijedi nakon datuma polaganja njezine isprave o ratifikaciji, prihvatanju ili odobrenju kod depozitara.

Član 28.
Pristupanje

- 1) Nakon stupanja na snagu ovog Sporazuma, bilo koja država sudionica SEECIP-a koja nije potpisnica može pristupiti ovom Sporazumu.
- 2) Otvaranje ovog Sporazuma za pristup državama izvan država sudionica SEECIP-a je predmet posebne odluke od strane MAG-a.
- 3) Za države koje pristupe u skladu sa paragrafima 1. i 2. ovog člana, Sporazum stupa na snagu prvog dana koji slijedi nakon datuma polaganja njezine isprave o pristupu kod depozitara.

Član 29.
Prelazne odredbe

- 1) Sve prethodne odluke Regionalnog centra za pomoć u verifikaciji i implementaciji kontrole naoružanja koje su na snazi na datum stupanja na snagu ovog Sporazuma smatraju se odlukama RACVIAC-a – Centra za sigurnosnu saradnju, u mjeri u kojoj nisu u suprotnosti sa odredbama ovog Sporazuma.
- 2) Na datum stupanja na snagu ovog Sporazuma, sva imovina koja pripada Regionalnom centru za pomoć u verifikaciji i implementaciji kontrole naoružanja (RACVIAC) prenosi se na RACVIAC.
- 3) Sve države koje su pridružene članice Regionalnog centra za pomoć u verifikaciji i implementaciji kontrole naoružanja (RACVIAC) uživaju taj status kako je on definiran u ovom Sporazumu, ukoliko ne obavijeste drugačije.
- 4) Sve zemlje, međunarodne organizacije ili institucije koje su posmatrači pri Regionalnom centru za pomoć u verifikaciji i implementaciji kontrole naoružanja (RACVIAC) uživaju taj status kako je on definisan u ovom Sporazumom, ukoliko ne obavijeste drugačije.

Član 30.
Rješavanje sporova

U slučaju spora između dvije ili više Strana ili između Strane i RACVIAC-a po pitanju tumačenja ili primjene ovog Sporazuma, odnosno Strane će potražiti rješenje kroz međusobne konsultacije i pregovore. Ako se spor ne riješi u roku od šest mjeseci, odnosno Strane će predati spor MAG-u na razmatranje i odgovarajuće aktivnosti.

Član 31.
Depozitar

Vlada Republike Hrvatske će biti depozitar ovog Sporazuma.

U potvrdu toga, dolje potpisani, za to propisno ovlašteni, potpisali su ovaj Sporazum.

Sastavljeno u Budvi, Crna Gora, 14. aprila 2010. godine, u jednom izvornom primjerku na engleskom jeziku.

Za Republiku Albaniju
Nj. E. G. Tonin Beci, s.r.

Za Bosnu i Hercegovinu
Ambasador Branimir Mandić, s.r.

Za Republiku Hrvatsku
Dr. Mario Nobile, s.r.

Za Bivšu Jugoslovensku Republiku Makedoniju*
Nj. E. G. Stefan Nikolovski, s.r.

Za Crnu Goru
G. Draško Jovanović, s.r.

Za Republiku Srbiju
G. Igor Jovičić, s.r.

Za Helensku Republiku
Nj. E. G. Georgios Avgoustis, s.r.

Za Republiku Tursku
Nj. E. Gđa. Emine Birgen Keşoğlu, s.r.

* Turska priznaje Republiku Makedoniju pod njenim konstitutivnim imenom